



საქართველოს მთავრობის ბ ა ნ კ ა რ ბ უ ლ ე ბ ა

№2515

2019 წლის 4 დეკემბერი ქ. თბილისი

2020 წლის განმავლობაში სხვადასხვა სახის საავტომობილო ტრანსპორტის მომსახურებების სახელმწიფო შესყიდვის კონსოლიდირებული ტენდერ(ებ)ის საშუალებით განხორციელების თაობაზე

1. „სახელმწიფო შესყიდვების შესახებ“ საქართველოს კანონის 20² მუხლის შესაბამისად, 2020 წლის განმავლობაში სხვადასხვა სახის საავტომობილო ტრანსპორტის მომსახურებების სახელმწიფო შესყიდვის განსახორციელებლად, სახელმწიფო შესყიდვების ერთიანი ელექტრონული სისტემის მეშვეობით ჩატარდეს კონსოლიდირებული ტენდერ(ებ)ი.

2. „სახელმწიფო შესყიდვების შესახებ“ საქართველოს კანონის 19¹ მუხლის შესაბამისად, სხვადასხვა სახის საავტომობილო ტრანსპორტის მომსახურებების 2020 წლის კონსოლიდირებულ ტენდერში სატენდერო წინადადების წარდგენისათვის საფასური განისაზღვროს 500 ლარის ოდენობით, ხოლო იმ შემთხვევაში, თუ კონსოლიდირებული ტენდერი შეწყდება ან დასრულდება უარყოფითი შედეგით, აღნიშნულიდან არა უგვიანეს 60 კალენდარული დღის განმავლობაში, იმავე შესყიდვის ობიექტზე განმეორებით გამოცხადებულ კონსოლიდირებულ ტენდერში, შეწყვეტილ ან უარყოფითი შედეგით დასრულებულ კონსოლიდირებულ

ტენდერში მონაწილე პრეტენდენტისთვის სატენდერო წინადადების წარდგენის საფასური განისაზღვროს 100 ლარის ოდენობით.

3. საჯარო სამართლის იურიდიულმა პირმა – სახელმწიფო შესყიდვების სააგენტომ უზრუნველყოს სხვადასხვა სახის საავტომობილო ტრანსპორტის მომსახურებების 2020 წლის კონსოლიდირებული ტენდერ(ებ)ის ჩატარებისათვის კანონმდებლობით დადგენილი აუცილებელი სამართლებრივი, ტექნიკური და ორგანიზაციული ღონისძიებების განხორციელება.

4. სხვადასხვა სახის საავტომობილო ტრანსპორტის მომსახურებების 2020 წლის კონსოლიდირებული ტენდერ(ებ)ის ჩატარებისა და მათი შემდგომი ადმინისტრირების მიზნით, შეიქმნას სხვადასხვა სახის საავტომობილო ტრანსპორტის მომსახურებების 2020 წლის კონსოლიდირებული ტენდერ(ებ)ის სატენდერო კომისია, დამტკიცდეს მისი თანდართული შემადგენლობა და საქმიანობის წესი.

პრემიერ-მინისტრი



გიორგი გახარია

დამტკიცებულია
საქართველოს მთავრობის
2019 წლის 4 დეკემბრის
№2515 განკარგულებით

სხვადასხვა სახის საავტომობილო ტრანსპორტის მომსახურებების 2020 წლის
კონსოლიდირებული ტენდერ(ებ)ის სატენდერო კომისიის შემადგენლობა
და საქმიანობის წესი

1. სხვადასხვა სახის საავტომობილო ტრანსპორტის მომსახურებების 2020 წლის კონსოლიდირებული ტენდერ(ებ)ის სატენდერო კომისია (შემდგომში – სატენდერო კომისია) შექმნილია სხვადასხვა სახის საავტომობილო ტრანსპორტის მომსახურებების 2020 წლის კონსოლიდირებული ტენდერ(ებ)ის ჩატარებისა და მათი შემდგომი ადმინისტრირების მიზნით.

2. ბაზრის კვლევის შედეგებზე დაყრდნობით, კონსოლიდირებული ტენდერის თავისებურებებიდან და საბიუჯეტო სახსრების რაციონალური ხარჯვის პრინციპიდან გამომდინარე, სატენდერო კომისია უფლებამოსილია, ამ განკარგულების პირველი პუნქტით განსაზღვრული ვადის განმავლობაში ჩაატაროს ერთი ან რამდენიმე კონსოლიდირებული ტენდერი.

3. სატენდერო კომისიის შემადგენლობაში შედიან:

ლევან რაზმაძე – სსიპ – სახელმწიფო შესყიდვების სააგენტოს თავმჯდომარე – სატენდერო კომისიის თავმჯდომარე;

მინდია დავითაძე – საქართველოს მთავრობის ადმინისტრაციის უფროსის მოადგილე – სატენდერო კომისიის თავმჯდომარის მოადგილე;

ილია ბეგიაშვილი – საქართველოს რეგიონული განვითარებისა და ინფრასტრუქტურის მინისტრის მოადგილე – სატენდერო კომისიის თავმჯდომარის მოადგილე;

ლერი ბარნაბიშვილი – საქართველოს ფინანსთა მინისტრის მოადგილე – სატენდერო კომისიის წევრი;

ჯუანშერ ბურჭულაძე – საქართველოს თავდაცვის მინისტრის მოადგილე – სატენდერო კომისიის წევრი;

ნინო ენუქიძე – საქართველოს ეკონომიკისა და მდგრადი განვითარების მინისტრის მოადგილე – სატენდერო კომისიის წევრი;

ვლადიმერ ბორცვაძე – საქართველოს შინაგან საქმეთა მინისტრის მოადგილე – სატენდერო კომისიის წევრი;

გიორგი პატარიძე – საქართველოს იუსტიციის მინისტრის მოადგილე – სატენდერო კომისიის წევრი;

ირაკლი ლეჟინაძე – სსიპ – კონკურენციის სააგენტოს თავმჯდომარე – სატენდერო კომისიის წევრი.

4. ორგანიზაციული და ტექნიკური ტიპის ან/და ხელშეკრულების შესრულების პერიოდში მიმდინარე საკითხებთან დაკავშირებით, რომლებიც არ საჭიროებენ სატენდერო კომისიის სხდომის მოწვევას, კომისიის მიერ გადაწყვეტილება შესაძლებელია, მიღებულ იქნეს კონსოლიდირებული ტენდერების მენეჯმენტის ctd.spa.ge სისტემის ან transportation2020@spa.gov.ge ელექტრონული ფოსტის მეშვეობით. აღნიშნული საშუალებებით გამოხატული პოზიცია ან/და მიღებული გადაწყვეტილებები წარმოადგენს იურიდიული ძალის მქონე დოკუმენტებს.